

պատահում է վերև յիշածս, իսկ եթէ համարձակեցաք ու անունը ազգանունն էլ հետը յիշեցիք, տէր Աստուած, ինչ կատարի հայեացքներն են ուղղվում ձեզ վրա. յիշոց, սպառնալիք, անէծք կարկառի պէս թափվում են խեղճ թղթակցի զըլխին:

Բայց ինչ կուզէ լինի, իմ կարծիքով, բարեխիղճ թղթակցի զեկիզը լինելու է զգրել անաչառութեամբ միայն ճշմարտը, չը ծածկել ոչ ընդի պակասութիւնը, թէ և ազգականները լինէին և սպառարկան խօսքով պաշտպանել աղքատ դասակարգին՝ ճակատագրի խորթ զաւակներին, հատուտ բուրժուաների, հարստահարիչների կամալակներով ինչից, զուրս բերել մի քանի աշխարհակներէրի ծածուկ արարքները: Այս, վարդերով սփռված չէ թղթակցի ճանապարհը, որովհետեւ նա սիրում ու պաշտպանում է ազատութիւնը:

ՆԱՄԱԿ ԽՄԱԳԻՐՆ

Գանձակ, 26 դեկտեմբերի 79 թ.

Ներկայ տարւոյս սկիզբում մի քանի անձինք նուիրեցին յօգուտ «Արարատեան» ընկերութեան 230 բուրձի, որպէս զի նրա կէտը Տարօնայ գաւառի և միւս կէտը Արկիկայի մէջ գտնված ուսումնարանների բուրձարգելութեան համար գործադրվի Այդ գումարը յանձնվեց ինձ պահպանելու համար, վասն որոյ ես էլ գրեցի ի մուտս Ս. Զովհանէս մայր եկեղեցւոյ ժառանգելու մատենումը ընդ № 12, մինչև ստորագրութեան վերջնապէս, որ տարաբարձար հացի թանգութեան և մի քանի այլ պատճառներից ստիպւալ դեռ չէ վերջացել:

Տարւոյս վերջնապէս անթիւ անտեղի համարելով պահել յիշեալ նախատեղութիւնը եկեղեցական գումարի մէջ, վասն որոյ և ուղարկելով ընդ սրմին երկու հարիւր երեսուն բուրձին (230 բ.), խնայարար խնդրեմ հասցեցանել ի անորմութեան «Արարատեան» ընկերութեան, տպագրելով անուանացուցակը յետագայ նուիրատու անձանց: — Պետքստ Նարթեանց 100 բուրձի, Վաղարշակ Մանասի Զովհանէսի 10 բուրձի, Տէր Գրիգոր Մանասի 5 բուրձի, Մկրտիչ Վարդուհանց 5 բ., Միքայէլ Աղայեանց 5 բ., Գէորգ Զարու-թիւնեանց 1 բ., Աղէքսանդր Տէր Գեորգեանց 1 բ., Բաղդասար Վարդանեանց 1 բ., Ներսէս և Զովհանէս Դանիալեանց 2 բ., և եղբայր Տէր-Ներսէս սեանց 100 բ.:—

Բացի այս պ. Արսէն Թովմատեանը յանձնել է ինձ իր ժողոված նուէրը 48 բ., և դեռ ես ապա-ռիկ տոնախմբներ կան, որ չէ կարողացել ժողովել, երբ ստորագրութիւնը վերջնայ, փողերը ժողովի և յայտնի լինեն նուիրատուաց անունները՝ այն ժամանակը մնացեալ փողերը նուիրատուաց ցուցակովը կուղարկեմ ինքս, կամ պ. Թովմատեանցը, որ այս միջոցին բացակայ է Գանձակից:

Երեցիփոխան Ն. Տէր-Ներսէսեանց.

ՆԵՐՔԻՆ ԼՈՒՐԵՐ

Յունվարի 15-ին պ. Սլավոնսկի տունը իր երկրորդ կոնցերտ ԹԻՖԼԻՍԻ Արտիստներ, իսկ յունվարի 17-ին Արծրունու թատրոնում: Հասարակութիւնը շատ հաւանեց և ամեն անգամ կըրկնել էր տալիս մանաւանդ «А нзъ роши темной» խորով երգած նոր երգը: Արծրունու թատրոնը լի էր և այդ երեկոն շատ տաք էր անում թատրոնում, թէ և գիշերը սաստիկ ցուրտ էր: Ուրեմն արած փոփոխութիւնները թատրոնի մէջ կատարելապէս աջողակեցան և այժմ ամենացուրտ ձմեռն էլ այդ թատրոնում տաք կը լինի:

Ստացանք թիշկ Միլիթանեանից ներկայ 1880 թւի համար նրա տարեկան տուրը 10 բուրձի յօգուտ «Արարատեան» ընկերութեան:

Շաբաթ օր, յունվարի 19-ին ԹԻՖԼԻՍԻ ռուս դերասանական խումբը տուեց մի ներկայացում յօգուտ մեր քաղաքի մէջ նոր բացված հրէական դպրոցի:

Հնորակալութեամբ ստացանք մի փոքրիկ կանաչագործութիւն հետեւալ վերնագրով «Уставъ обществ. содѣлств. Технич.—Ремеслен. образцовъ на Кавказѣ» այսինք «Տեխնիկական արհեստագործութեան նպատակով ընկերութեան կանաչագործութիւն» Այդ կանաչագործութեան մասին մի այլ անգամ կը խօսենք: Ընկերութեան հիմնադիր մաս-

նաժողովի նախագահը իշխանուհի Գաղարինա է, իսկ անդամների մէջ մենք տեսնում ենք տիկին Ալլաբեկովն, պ. պ. Մոզգալեվսկու, Մամադեմով, Պոլիտովսկու և ուրիշների անունները:

Մեզ գրում են ԱԹԱԼՅԱՅԱՅԻՑ «Մեր գաւառում կան եօթ գիւղեր, որոնք 1828 թվին առնված են և իրեն կարապետ վարդապետի ձեռքով և որոնք այն օրից համարվում են եկեղեցու սեփականութիւն: Այդ գիւղերից խաբանիւր տարի ստացվում էր 16 հազար բուրձ եկամուտ, որով պահպանվում էին Ախալցխայի ուսումնարանները և եկեղեցիները: Այդ գիւղերը խլել են այժմ ժողովրդի ձեռքից հոգեւոր իշխանութեան կարգադրութեամբ և կապալով տրվել են Ախալքալաքի հոգեւոր իշխանութեան գործակատար Տէր Խորէն քահանային, այն պայմանով, որ սա տարեկան 10 հազար բուրձ վճարի Ս. Եւփանդին: Այդ կարգադրութեան պատճառով մեծ աղմուկներ են յարուցվել ժողովրդի մէջ և մեծ շեշտներ են սպառվում ժողովրդի համար այդ կարգադրութեան հետքով: Բոլոր հանգամանքները այդ գործին վերաբերեալ, յոյս ունենք շուտով պիտի հանդէս հանվեն լրագրութեան մէջ»:

Պ. Մատթէոս Տէր-Պետրոսեանց վ. ԱՎԱՐՇԱՊԱՆՑ ուղարկել է մեզ իր այս տարվայ 5 բուրձ յօգուտ «Արարատեան» ընկերութեան:

ԱԼԷՔՍԱՆԴՐԱՊՈԼԻՑ մեզ գրում են, որ տեղական պովոդան յայտնել է բոլոր գիւղերի տա-նուէրերին, որ գարնանամուտին պէտք է գիւղացիներին ցանելու համար կառավարութեանց բաժանով 3,000 չեռփերտ ցորեն:

Մեզ հաղորդում են ՕՐԿՈՒԽԱՎԻՑ, որ այնտեղ մեծ թանգութիւն է: Առաջ Օրդուբադում ցորենի պուղը արժէր 50—80 կ., այժմ 3 բ. 40 կ. է ծախվում:

«Մշակի» № 4 մէջ բանասիրական բաժնում տպած յօդուածում մի քանի սխալներ են մտել: Մենք միայն մեր ընթերցողների ուշադրու-թիւն ենք դարձնում հետեւեալ վրա. առաջին երե-սի չորրորդ կօծումը, ներքեց 11-դ տողում «կոմ-կասեցու այդ խօսքերէից»—յետոյ պէտք է աւե-լայնել «չէք կարողացել հասկանալ, Այդ խօս-քերը»:

ԱԼԷՔՍԱՆԴՐԱՊՈԼԻՑ մեզ գրում են հետեւեա-լը. «Մեր քաղաքի բազմաթիւ չքաւոր գերդաս-տանների անտանկի դրութիւնը վերջնապէս իր վը-րա դարձրեց բարեխիղճ քաղաքացիների ուշադրու-թիւնը: Գէպուտանների նախագահութեամբ ժո-ղով կազմվեց և վճռվեցաւ հանգանակութեամբ հաւաքել մի նշանաւոր դրամադուր արտադրի ամ-բարած արկւններից առնելու կամ Ռուսաստանից բերելու և էփան գնով վրնորներին ծախելու հա-մար: Հանգանակութեամբ արդէն հաւաքուած է 24,000 բուրձ և յոյս կայ դարձեալ հաւաքվելու: Այս փողը առհասարակ հաւաքում են նշանաւոր դրամատէրերից, որը յետոյ դարձեալ պիտի վերա-դարձնէին իրանց: Գովելի է այն այս մտադրու-թիւնը: Միայն այս միջոցը կարող է ազատել մեր չքաւոր ընտանիքներին նեղութիւնից և այս-պիսի ընտանիքների թիւը քիչ չէ. նա անցնում 1200—ից»:

«ՕՅՅՈՐԵ» լրագիրը լսել է, որ կովկասեան ուսումնարանական հոգաբարձու, պ. Եանօօվսկի, առաջարկել է բարձրագոյն կառավարութեանը տեղափոխել ԹԻՖԼԻՍ Ս. Պետրբուրգի համալսա-րանի արեւելեան ֆակուլտէտը: Չենք կարող ամ-բողջ սրտից չը համակրել պ. Եանօօվսկու առաջար-կութեանը, որովհետեւ եթէ արեւելեան բաժինը այս-տեղ կը լինի, նրա աշխատութիւնները մի կողմից աւելի արդիւնաւոր կը լինեն քան թէ Ս. Պետեր-բուրգում, իսկ միւս կողմից մի ֆակուլտէտ մեր քաղաքի մէջ՝ ունենով այդպիսով հիմք կը դրվի կովկասեան ընդհանուր համալսարանին:

Յունվարի 26-ին, շաբաթ օր, ԹԻՖԼԻՍԻ Ամա-րային թատրոնում լինելու է մի ներկայացում յօգուտ սո վ ա տ ա ն ջ ն եր ի, մասնակցութեամբ յօգուտ մեջ կը մասնակցեն տ. տ. Կոչոմա, յայն և վրացի դերասանները: Այդ ներկա-րացման մէջ կը մասնակցեն տ. տ. Կոչոմա, Սիրանուշ, պ. պ. Իշխ. Էրիստով, Աղամեան և Ալալիանիկի իր խորով Տոմասկները կարելի է ստանալ «Тифл. Вѣстн» լրագրի խմբագրատանը:

Այսօր երեքշաբթի, յունվարի 22-ին, Արծրունու թատրոնում, պ. Սլավոնսկի տալու է դարձեալ մի կոնցերտ: Սկիզբը 8 ժամին:

ԱՐՏԱՔԻՆ ՏԵՍՈՒԹԻՒՆ

ԹԻՒՐԻՒՄ

Ահա և մի այլ դէպք, որ բաւականին վը-նասակար հետեւանքներ ունեցաւ հայերի համար. ամերիկացի քարոզիչները, քաջաբը-վելով կրօնական ազատութենից, եկան Թիւր-քիւս աւետարանը քարոզելու. կառավարու-թիւնը նրանց թոյլ տուեց երկրի խորքերը թափանցել, բայց խստիւ արգելեց նրանց մու-սուլման ազգաբնակութեան մէջ որ և է քա-րոզութիւն սկսել, և նա թոյլ տուեց նը-րանց քրիստոնեաների մէջ տարածել իրանց քարոզութիւնը: Այդ միսիոնարներն, ան-շուշտ, մեծ ծառայութիւն արած կը լինէին հայերին, եթէ նրանք կարողանային աւետա-րանական քարոզութիւններով քաղաքակրթել այդ մուսուլման վայրենիներին, և անշուշտ հայերը նրանց երախտիքը չէին մոռնալ, բայց Բ. Իրան խորամանկութիւնը գործին ուրիշ ընթացք տուեց:

Նա թոյլ տուեց ամերիկական միսիոնար-ներին քրիստոնեայ ազգաբնակութիւնների մէջ քարոզութիւններ անել, որ և երկպառակու-թիւն գցել քրիստոնեաների մէջ, որպէս զի նրանք սկսեան իրանց մէջ մէկմէկու հալա-ծել: Պէտք է խոստովանա՞ծ, որ այս բանը պակաս չը նուազեցրեց հայկական տարրը:

Այս բաւական չէ որ Բ. Իււււր այսպիսի երկպառակութիւններով է կամենում թուլաց-նել հայկական տարրը, այլ և նա ամեն միջոց-ներ գործ է դնում գաղթել տալով, թէ սպա-նութիւններով և թէ զանազան բարբարոսական հալածանքներով սպառնւլ հայկական տարրը Փոքր Ասիայի մէջ. սա մի աշխարհ զիտաւորու-թիւն է: Առաջնելիս դրած բրօշխուր թէ-պէտ և լիքն է պատմվածների նման հազար ու մի քստմենի ու մարդկութեան կոչմանը ու պատուին ամթ ըրեող անցքերով, բայց և այնպէս վերջացնում ենք մեր խոստացած քաղածքը, յիշելով, որ յիշեալ տեղեկագիրը ստորագրված է Վ. Վ. հայ պատգամաւոր:

Տեղեկագիրը ներկայացված է բրիտանական հիւպատոս մայոր Տրոտտերին երգումում անցեալ տարի սեպտեմբերի 16-ին:

Բրօշխուր վերջը կան և մի քանի յաւե-լուածներ, որոնք նոյնպէս դարձելի ու ստո-րացուցիչ տեսարանների պատկերներ են, և մենք աւելորդ ենք համարում դրանց մասին այլ ևս խօսել. բայց և այնպէս անկարելի ենք համա-րում մեր ընթերցողների ուշադրութիւնը չը դարձնել և մի նշանաւոր կէտի վրա. բրիտա-նական հիւպատոս մայոր Տրոտտեր հիմնվե-լով թիւրքաց կայսերութեան պաշտօնական սայնամէլի (ստատիստիկա) վրա, յայտնում է անգլիական արտաքին գործերի մինիստրին ի թիւս ուրիշ ստատիստիկաների և այն որ իբր Վանի նահանգում մուսուլման ազգաբը-նակութեան թիւը 126,208 է, մինչդեռ քը-րիստոնեայ ազգաբնակութեան թիւը այդ մի և նոյն նահանգում, միայն 97,555 է: Երգ-րումի տեղեկագրի հեղինակը գեղեցիկ կեր-պով ապացուցանում է այդ ստատիստիկայի սխալը: Նա ասում է, որ երբէք ուշադրու-թիւն չը պէտք է դարձնել ոչ թիւրքաց գիւ-ղերի, և ոչ էլ նրանց աների բազմաթիւ լի-նելուն, որովհետեւ չը նոյնիվ վերջինների թւերի բազմութեանը, նրանց մարդաբնակու-թիւնը հայերից անհամեմատ նուազ է, ու-րովհետեւ թիւրքաց նա մէ հրա մի արգե-լում է մահմետականի նայել իր եղբոր հնօջը, և այս պատճառով իւրաքանչիւր թիւրք զոյգ ստիպված է ունենալ իր համար մի առան-ձին տուն, մինչդեռ հայերի մէջ հայր, եղ-բայրներ, ու փեսաներ ու հարսեր ապրում են մի և նոյն ընտանիքում և բոլորովն կա-տարեալ համաձայնութեամբ. այս պատճառով էլ յաճախ կարելի է պատահել այնպիսի ըն-տանիքների, որոնց անդամները բազկացած են 100—150 հոգուց:

Ահա մի ամենակարեւոր կէտ, որ թիւր-քաց պաշտօնակատարները չեն բարհաճել ի նկատի առնել, իրանց հռչակաւոր պաշտո-նական ստատիստիկայի կազմակերպութեան ժամանակ: Բայց այդ նրանց ինչ փողթ, նրանք անում են այն ինչ որ նրանց հրամայված է, կամ այն ինչ որ նրանց նպատակաւորմար է...:

Ընթերցող, անշուշտ, այս առաջին անգամը չէ, որ դուք կարդում էք Հայաստանի—ձեր հայրենիքի այս դարհուրելի ու եղեռնագործ նկարագրութիւնները, այս անխիղճ ու գազա-նային կոտորածներն ու սրածու թիւնները, ա-տացէ՛ք, ինչդեռ, ինչ տրամադրութեան մէջ էք զգում դուք ձեզ, երբ կարդում էք այս զոյուելի տողերը, կարծեմ ամեն մէկը ձեզնից վառվում է մի կատաղի վրէժխնդրութեամբ: Բայց ասացէ՛ք, ինչդեռ, ինչ գաղափար կազ-մել մի ժողովրդի վրա, որը տանում է այս տեսակ անարդ ու բռնակալական հալածանք-ներ. նրան ծեծում են, չարաբում են, հալա-ծում են, ծաղրում են, նրանից ուժից բարձր հարկեր են խլում, գողանում, յափշտակում են նրա հարստութիւնը, հողերը, նրան անասունի տեղ են դնում ու գատարանի մէջ չեն ընդու-նում նրա վկայութիւնը, նա բոլորում է, որ նրա տաւարը յափշտակեցին, նա ցոյց է տալի ա-ւազակին, և գատարանից դարձեալ ինքն է մեղաւոր դուրս գալիս.—այս բոլորը կարելի է տանել, բայց ինչպէս է կարողանում նա տանել երբ վիրաւորում են նրա ընտանեկան պատիւը, երբ նրան կողոպտելուց յետոյ, աչ-քի առաջ բռնաբարում ու անպատուում են նրա ամուսնուն, աղջկանը, որդուն կամ քրոջը, ինչպէս է նա կարողանում տանել, երբ պղղ-ծում են սուրբ տաճարն ու դրան ծակափայ կախում սատկած շուներ...ինչպէս նա հազար անգամ դերկման չէ մոռնում ինչու հազար դաշոյն չէ ցցում իր սիրտն ու չէ ազատ-վում այդ քստմենի տեսարաններին հանդի-սատես լինելուց:

Ճշմարիտ երբ մարդ մոռնում է, նա ակա-մայ այն եղրակացութեանն է գալի, թէ ար-դեօք այդ մարդիկը կովի են, ոչխարներ են, անասուններ են, ինչ են, զգացմունք չունեն, պատախնդրութիւն չունեն, որ կարողա-նում են ամեն այս տեսակ գազանային ա-նարգութիւններ:

Նւ վերջապէս մինչև ե՛րբ այսպէս ապրել, մինչև ե՛րբ ձանձրացնել աշխարհին այսպիսի զգուելի ու անարգական բողբոջներով: Բիւր անգամ աւելի լաւ չէ՛ կորչել բոլորովն ան-հետանալ աշխարհի երեսից, քան թէ այս-պիսի ստորութեամբ ապրել և ձանձրացնել ուրիշներին:

Ասենք թէ մեր թիւրքիացի եղբայրների մարդկային զգացմունքները բթացել են. բայց և այնպէս, մենք սրտով ցանկանում ենք, որ նրանց անհետանալուց առաջ զոնէ մի անգամ էլ դուրս գան այդ կեղտոտ ցեխից, և փառքով անհետանան: Նրա՛ք դեռ ար-ժանի են կարեկցութեան, որովհետեւ գիւ-տենք, թէ ինչ բարբարոս մեքենայութիւններ հասցրին նրան այդ բթութեանը:

Խեղճ հայրենակիցներ, թողէ՛ք, թողէ՛ք մի րօպէ աւետարանական քարոզութեան վեհ մտքերը. փորձեցէ՛ք փոքր ինչ բրդերին բրդա-բար պատասխանել ու թիւրքերին էլ անիւ-րաւարար, և մենք համոզված ենք, որ ձեր յարաբերութիւններն ուրիշ կերպարանք կը ստանան: «Եթէ քո մի երեւսին ապ-տակ խփեն, դարձրու և միւսը», «Եթէ չտպիկիկ խլեն, բա՛նդ ո՞նք էլ հետը թող»:

Անշուշտ, ոչինչ չունենք այս մարդասիրական վեհ մտքերի դէմ, բայց ասում են «փխա ուտելը լաւ բան է, բայց մի օր մեր տանը, մի օր էլ ձեր տանը»:

Խմբագիր—հրատարակող ԳԻՐԳՈՐ ԱՐՄԵՐՈՒՆԻ